

mand, propter dogma de necessitate celebrandi
diem paschæ iuxta lunationes, & consecrandi
in azimo. Sed nihil opus est longa disputatione,
Spiridon cum exemplum **Spiridonis Episcopi** clare
demonstrat pares sensisse obseruationem traditio-
num pontificalium non necessariam esse. Is enim
contra suum hospitem, qui dicebat je non uesci
carnibus die ieiunij, propterea quod esset Chri-
stianus, allegat Pauli sententiam, Nam omnis cre-
atura Dei bona est, & nihil reiectum quod cum
gratiarum actione recipitur. Et addit ob hanc
ipsam causam, oportet te uesci, quia Christianus
es. Hic hospes assensus est Episcopo recte mo-
nenti, & gratiam agit pro doctrina. ,

Articulus 27. Louaniens.

Recte fit in ecclesia quod san-
ctos in cœlis cum Christo agen-
tes ueneramur, & inuocamus
ut pro nobis orent: quorum etiam
meritis, & intercessione, Christus
nobis hic multa largitur, alias non
largitrus: per quos etiam miracula
multa in terris operatur.

Articu-